

Iroun Beretitenti Dieter F. Uchtdorf

Kauoman ni Kauntira n te Moan Beretitentii



# Kaona te Aonaaba ma ana Tangira Kristo

**N**gkana ti iangoa te Kiritimati, angin te tai ti iangoa anganakon ao karekean taian bwaintangira. Taian bwaintangira a kona n riki bwa mwakoron te katei ae kakawaki, ma a kona naba ni kamemeerea kakawakin te Kiritimati ao ni katabetabeira man bukamaruan bungiakin ara Tia Kamaiu n te kawai ae uaana.

I ataia bon man oin au taneiai bwa te kabanea ni Kiritimati ae batu n ururingaki e kona n riki bwa baike a moan mangori ibukin karakon te kaubwai. Taian bwaintangira ake I karekei (ibukin te Kiritimati) baika a bon tau man kainibaire ni boong aikai. N tabetai I karekea te kabaraaki ae ituaki ke taian nangoanibai ma nangoaniwae aika kakauoua. I uringa te Kiritimati teuana ae rangin onoti ngke e anganai mwaaneu ae ikawai te biti ae karaoaki man te kai ae e a tia ni kaaria.

A aki rangin kainnanoaki bwaintangira aika bobuaka ni kanakoraoan te Kiritimati. I kauringaki te rongorongo are e karakinna Unimwaane Glen L. Rudd, are e beku bwa te me mbwa n te Itingaun man 1987 nakon 1992. Te bong teuana imwaain te Kiritimati n riri aika batu n nako, ngke e tararua ana auti ni kaikobwai te bitiobi, e reiakinaki mairoun te tia kairiiri n te ekaretia n taekan te utu ae rang kainnanoa te buoka are e a tia ni mwaing nakon te kaawa. Ngke e nako ni kawariia n aia auti ae uarereke, e kunea te tina ae akea buuna ma natina aika aman aika iaan 10 aia riri ni maiu.

Te utu aei e bon rang kainnanoa te buoka n te aro are e a bon aki kona te tina ni kabooi bwaai ni kakukurei ke

bwaintanigra ibukiia natina n te Kiritimati anne—e bon aki naba kona ni kabooa te kai ni Kakiritimati. E maroro te Tari Rudd ma te utu ao n reiakinaki bwa atainaine aika teniman a bae n tangira te taoree ke maan aika bwain takakaro. Ngke e titirakina te ataeinimwaane ae onoua ana riri bwa tera ae tangiria, e kaeka te ataeinimwaane ae uarereke, “I tangira te boora n amwarake ae kanoana te oat.”

E berita nakoina te Tari Rudd bwa e na uota te amwarake ae te oat ao bwaai riki tabeua. Ngkanne e a nako n ana auti ni kaikobwai te bitiobi ao n ikotii amwarake ao tabeua bwaai ake a na kona ni buoki kainnanoia te utu aei aika a riai ni waekoa n reke.

N te moaningabong naba anne te Aomata ae Itiaki ae tituaraoi e anganna 50 te taaraa “ni buokan temanna ae kainnano.” Ni kabongana te anganano anne, te Tari Rudd e karin kunnikaia natina ao e nako ma ngaiia ni kabooi bwaintangira ni Kakiritimati—natina aika a rinerinei bwaintakakaro bwa a na anganiia ataei aika a kainnano.

Imwiin katokaan taian amwarake, kunnikai, bwaintanigra, te kai ni Kakirikitimati, ao tabeua bwaai ni katamaraoa (ake a na katinetineaki n te kai ni Kakiritimati, a buti nako te utu ae Rudd nakon aia auti te utu aei. Ikanne ao a buoka te tina ma natina ni katea te kai ni Kakiritimati. Ngkanne a kaaki bwaintangira iaana ao n angan te ataei nmwaane aei te bakete n amwarake ae te oat ae bubura.

E tang te tina, a kukurei ataei, ao a bane n anenea te kuna ni Kiritimati. N te tairiki anne ngkai a tabe n ikotaki

te utu ae Rudd ibukin te katairiki, a anga aia kakatau (nakon te Atua) ngkai a kona n uota tabeua kakukurein te Kiritimati nakon teuana te utu ao ni buoka te ataeni-mwaane ni karekea te boora n amwarake ae te oat.<sup>1</sup>

### Kristo ao langoan te Angaanga Bwai

Iangoa te kawai ae bebete ae kinaaki ae rineia Tamara are i Karawa ni karinea bungian Natina. N te tairiki ane e tabu anne, a kaoti anera tiaki nakoia aomata aika kaubwai ma nakoia taan kawakin tiibu. Te merimeri ae Kristo e bungiaki tiaki n te auti ae bubura ma inanon aia tabo maan n amwarake. E niraki tiaki n te kunnikai ae e tirika ma n te kunnikai te ninira.

Bebeten te moan Kiritimati anne bon moantaain kaotakin maiun te Tia Kamaiu. E ngae ngke e karika te aonaaba, e maiu inanon te karineaki ao te mimitong, ao n tei i angatian te Atua, E roko nako aon te aba n riki bwa te merimeri ae akea ana konabwai. Bon te banna ni katoto ni maiuna ae nanorinano man kinaaki, ao E nakonako ibuakoia ake a kainnano, ake a aoraki, aomata ake a nanokawaki, ao ake a kua man rawawata.

E ngae ngke Ngaia te uea, E aki tii tabe ma kamoamoa-ka ke kaubwaia aomata. Maiuna, Ana taeka, ao Ana mwakuri ni katoa tai bon katoto aika anainano man bebete ma a kinaaki man kakawaki.

Iesu te Kristo, are e bon kororaoi ana atatai bwa e na kanga n anga, ni katea te katoto ibukira n angaanga bwai. Nakoia naake a rawawata nanoia ma te mamaroa ao te nanokawaki, E uota te akoi ao te karaunano. Nakoia naake a rootaki rabwataia n te aoraki ma te korakai n aia iango, E uota te tangira ao te kamaiuaki. Nakoia naake a karawawataki nanoia ma te bure, E uota te kantaninga, te kabwarabure, ao kaboon maiura.

Ngke e mena ibuakora te Tia Kamaiu n te bong aei, ti na bon kunea n te tabo ike E memena iai n tainako—ni buokia ake a nimamannei, ake a nanokawaki, ake a taotaonakinnano, ake a karawawataaki, ao ake a nanorinano. N tain te Kiritimati aei ao n tainako, ti bia anganna te bwaintangira n tangiraia tabeman n aron are E tangira naba iai. Ti riai n uringa kinaakin bungiana ae mangori,

bwaintangira ao maiuna. Ao ti riai, rinanon mwakuri n akoi aika bebete, ana tangira Iesu ae kororaoi, ao te nano-anga, ni kaona te aonaaba n ootan Ana tangira ao mwaa-kana ni kamaiu.

### TE BWAI AE E NA TARAAKI

1. Taraa Glen L. Rudd, *Pure Religion: The Story of Church Welfare since 1930* (1995), 352–53; taraa naba Glen L. Rudd, “A Bowl of Oatmeal,” *Church News*, Ritembwa. 2, 2006, 16.

---

### REIREI MAN TE RONGORONGO AEI

E reirei Beretitenti Uchtdorf bwa ti riai n ira ana banna ni katoto te Tia Kamaiu n angaanga. Iangoa n titirakinia aomata ake ko kawariia n ikaruoruo n atonga te bwaintangira are e a tia n anganlia te Tia Kamaiu, ao ni maroroakinna bwa a kanga ni kabongana te bwaintangira anne ni beku ibukiia tabeman. N aron te katoto, ngkana te membwa ae kakabwaiaki ma te taarena n te katangitang, teuanne ke neienne e kona n anenei kuna ni Kiritimati nakoia tabeman kaain rari-kina. Ko kona naba ni katorobubua n tataro ma naake ko kawariia, ni bubutia te Atua ibukin ana kairi te Tamnei bwa a angara bwaintangira ake ko na tibwauai, ao antai ake ko na tibwauai nakoia. Okioki n ruamwiin ana kairi te Tamnei are ko karekei.

## KAIRAKE

### Reiakinaki man Aia Taneiai Tabeman

E taetae Beretitenti Uchtdorf man oin ana taneiai ngke e reirei bwa “te kabanea ni Kiritimati ae batin ururingaki e kona n riki bwa baike a moan mangori.” Ti kona n reiakinaki ake batin mairouia roro ake ngkoi; ikawai ake a maiu rinanon taai ni buaka, n akean te mwakuri, te aoraki, ke tabeua kakatai. Titirakinia membwa ake a ikawai man am uoote ke man am mwaanga ni karakina nakoim aia Kiritimati ae moan kabanean te nakoraoi. Ko kona ni korei aia rongorongo. Kataia n reiakiniko man aia katoto man kabanea riki nanom iaon te Kiritimati aei n anga am ibuobuoki ae nako mai nanom ao n ururinga te Tia Kamaiu.

## Bwaintangira mairoun lesu

Tabeman aomata a kabongana te kai ni Kakiritimati ni bukamarua buangiakin lesu Kristo. N tabetai aomata a kaaki bwaintangira ibukiia tabeman iaan te kai. Baikara bwaintangira ake e a tia n anganiko te Tia Kamaiu? Korea tamnein oin am kai ni Kakiritimati ma nimaua bwaintangira iaana. Wareki booki aika tabu akana inano ao karana tamnein te bwaintangira are e irekereke ma booki aika tabu n tatabeua. Ko kona n anga bwaintangira nakon lesu rinanon kakaean kawai ake ko na buokiia tabeman iai.

Taian Areru 33:6

Ioane 14:27

Ioane 15:9

2 Nibwaai 2:8

3 Nibwaai 15:9

© 2014 ioun Intellectual Reserve, Inc. A bane n tauaki mwiin taian kariaia ibukin katootongana. Boretiaiki i USA. Kariaiakaki n te Ingirifi: 6/14. Kariaiakaki rairana: 6/14. Rairan te *First Presidency Message, December 2014*. Kiribati. 10872 859



# Ana Mition ae Tabu lesu Kristo: Te Uea n Raoi

Tataromwaaka ni kamatebwaiia te bwai n reirei aei ao n ukoukoria n ataia bwa tera ae ko na tibwauaia. E kanga am atatai ni maiun ao ana mwakuri te Tia Kamaiu ni karikirakea am onimaki Irouna ao ni kakabwaiaia naake ko tararuuaia rinamon te reirei ni kakawari? Ibukin rongorongona riki tabeua, nakon [.reliefsociety.lds.org](http://reliefsociety.lds.org).

Aio mwakoron te Kakawari n Reirei n te Mweenga are e kaota mwakoron ana mwakuri te Tia Kamaiu.

**“T**e Tia Kamaiu bon ngaia te buoka ibukin te rau ae koaua,” e taku Unimwaane Quentin L. Cook man te Kooram n Abotoro n te Tengaun ma Uoman. “E ngae ngke inanon kakatai n te maiu, ibukin ana Mwakuri ni Kamaiu te Tia Kamaiu ao Ana akoi, te maiu ae raoiroi e na kanuanganaki ma te rau ae onoti.”<sup>1</sup> N atakina ae Iesu Kristo bon te Uea n Raoi e kona ni buokira ni kunea te rau man te nano ao ni karikirakea ara onimaki Irouna.

E taku Iesu Kristo: “I atongi baikai nakoimi, ba kam na kareka te rau mai Rou te Tama. Ami b’ai i aon te aba te rawawata: ma kam na kabebetei nanomi; I a ti ni katea ana kai te aba” (Ioane 16:33). Ngke e kaota ana kakoaua iaon te koaua anne, Linda S. Reeves, te kauoman ni kauntira n te Bootaki n Aine ni kabuta, e taku: “E a tia n nanoangaaia te Uea ao ni buokai ni kabebetea rawawatau. E a tia ni buokai n namakina te rau ae moan te bat.”<sup>2</sup>

Unimwaane Richard G. Scott man te Kooram n te Tengaun ma Uoman n Abotoro e reirei: “Te tabo ae kororaoi ibukin . . . te rau e bon mena inanon oon mweengara, ike ti a tia ni karaoa raoi ara kabanea ni konaa ni karaoa te Uea ae Iesu Kristo bwa ara moanibwai.”<sup>3</sup>

**Rakan riki Booki aika Tabu**  
Itaia 9:6; Ruka 2:14; Ioane 14:27;  
1 Nibwaai 13:37; Doctrine ao Covenants 59:23

**Man Koroboki aika Tabu**  
Itaia e taetae ni burabetia bungiakin Iesu Kristo, te Uea n Raoi (taraa Itaia 9:6). N te aba ae America, Tamuera te Reimwanaite e karakin kanikinaa ake a na raona bungiakin Kristo ni kaota nimaua te ririki man te tai are e taetae ni burabeti iai Tamuera (taraa Ereman 14:3, 5). Ngke e a uakaan te bong are e taetae ni burabeti iai (ibukin bungiakin Kristo), taan aki kakoaua a karaoa te mwakuri ni kakamaku nakoia ni kabane Kiritian ana tiringaki ngkana a aki kaoti kanikinaa

aikai. Te burabeti ae Nibwaai “e tang ni kakorakora nakon te Uea ni kabongnga; ao nooria, e roko bwanaan te Uea nakoina ni kangai: . . . N te ingabong ao N na roko nakon te aonaaba” (3 Nibwaai 1:12–13). A kaoti kanikinaa, ao ma bungiakin Kristo, “aomata a manga karekea te rau n te aba” (te kibu 23).

I Betereem, Maria “e bungia ana karimoa te mwaane, ao e niri a n te kunnikai ae te ninira, ao e kawenea ni nen te man n amwarake” (Ruka 2:7).

## BWAAI AIKA A NA TARAAKI

- Quentin L. Cook, “Te Rau ae Onoti: Kanuangan te Raoiroi,” *Riaona*, Meei 2013, 35.
- Linda S. Reeves, “Karekei Am Kakabwaia man Am Berita aika Tabu,” *Riaona*, Nobembwa, 2013, 120.
- Richard G. Scott, “Ibukin te Rau n te Mweenga,” *Riaona*, Meei 2013, 29.

## langoa Aio

Ni kawai ra ake e a tia ni uota te rau iai te Tia Kamaiu nakon maium?